

愛吾廬詩鈔

一
函
四
冊
函

愛吾廬詩鈔三編 滄海歸帆集

江陰張洵佳少泉著

八月二十六日挈全眷南歸口占

從此逍遙別有天，一鞭逕指暮雲邊。
身回故國三千里，夢醒黃梁十八年。
兒女團圓新眷屬，簪纓擺脫小神仙。
鬢毛漸落鄉音改，笑誦唐人老大篇。

過陳留紳耆婦孺夾道餞留予爲惻惻慰藉而行

兩年鴻爪此勾留，慚愧逢人說故侯。
霖雨常防生計失，客途若爲棄官愁。
人間公道民情在，世路貪風吏治羞。
夾道依遲何所慰，麥苗來歲定豐收。

途中憶亡姬楊氏悵賦二律

惆悵豐臺芍藥紅

姬家京邸

紫雲色相竟成空，絕無遺種傳身後。
僅有明珠落掌

中草長宜男，原是幻花開侍女。
不禁風征途怕續傷春句，聊把前詩默一通。
一行兒女袂相連，指點關河景色鮮。
惟有黃楊偏阨閨，可憐紫玉竟成煙帆。

迴滄海纔今日骨冷梅花已七年此去故山營葬處阿苗小女定使拜墳前

九月初六日由亳州開船

全家泛宅指江東水驛今朝踞上風夾岸隄高撐峻坂一泓波淺路一殢征篷

堤高水淺節節阻殢
僅行十五里泊舟

孤村繫纜炊煙直野渡懸旂落日紅畢竟舟行少勞頓

一門團坐笑言同

咸同間皖北捻起亳州除一城外徧地皆賊無慮數十萬經官兵先後
勦平武夫從戎保提鎮知名當世者亦不少過境有懷口占一律

萑苻羣盜今安在白骨蒼涼故壘空地勢中原居脊背霸圖昔日出英雄金
戈銷盡紅羊劫名將爭談汗馬功凭眺關河增感慨一聲長笛咽西風

泊舟不寐

自顧曾無一技名歸與何敢比泉明無才恐被虛聲誤知足能將妄想平出
岫無雲難作雨回頭有岸即登程此行不爲鱸魚膾藏拙山林過一生

感憶先兄若憑蔗鄉

指點令原淚暗傾同懷相繼隔幽明團圞地下惟虛我瞻望岡前不見兄孝友傳家期後起倫常補過趁今生故山返轍遙相待定卜英靈夢裏迎

初七晚泊亳州之廟集憶亡友吳文蘭

當初落魄到琴東季子相逢便不同良友輕財能濟我中年賚志最憐公前盟未踐歸程殢後起無才望眼空自把平生交誼述要他市井式高風

先司馬公及季宜人喪亂還鄉貧無寸縷一月中相繼憂死今返策里門薄有資囊僅供祭享歐陽文忠云祭而豐不如養之薄也三復斯言太息不寐時歸舟泊亳州之廟集

避難還鄉生計窮憫予小子等寒蟲流亡兵火荒先業借貸衣衾入殯宮七尺親遺真負負一官祿養竟空空歸囊僅此供筵享告墓焚黃泣晚風

泊舟渦陽縣

并序

渦陽爲雉河集故址離州縣治各百餘里水陸要衝鞭長莫及巨捻
張樂行踞爲巢穴紛擾廿餘年竭湘淮全力僅乃平之今增設縣治
前車可鑒地方有司尙慎旃哉

赤眉銅馬舊披猖羣盜中原此聚場官吏養癰成巨患地形扼險重巖疆頻
年兵火遺民少落日關河戍壘蒼今日渦陽增縣治前車覆轍鑒毋忘

追悼君培師

憶從蚤歲坐春風鼓舞裁成便不同桃李盈門偏契我文章憎命最憐公清
癯迴出塵埃外褒貶都歸笑語中沅芷澧蘭秋色老招魂宋玉泣江東

舟中遇重九

舟中佳節值重陽何處登高望故鄉水驛行程催短棹河梁秋色落詩囊霜
華旅鬢侵人老晚節黃花比我香欲買雙螯魚市少惜騰一醉到羲皇

憶同學徐拙菴侍御

虎踞龍跳兩少年文壇壘罷笑開筵我聽衙鼓爲塵吏君詠霓裳列衆仙迹
判雲泥原是命帆懸滄海各憑天秋風張翰今歸里飽食鱸膾傲爾先
文章水月妙空明讓爾金鰲頂上行夢想京華音信杳身歸梁苑去來輕塵
容舊改君難識白髮新添我亦驚畢竟隴頭香稻好自耕還待故人耕

懷黃哲卿王慰三兩明經

遲我爭名五六年翩然俊翮互高鶩直空蠻序無餘子要詠霓裳駕衆仙廿
載文章憎命達一堂教授啓薪傳

二君俱以明經爲名
師門下英俊甚多

良材未必深山老定

泛雲槎到日邊

懷同學王景韓明經時哲嗣吉臣前科中式

從此科名有替身先生一笑定開樽山房委宛傳遺墨雲路扶搖讓後人

君先

人翼清先生制藝名家
有委宛山房文稿傳世鱸膾秋風千里棹

時舟泊
蒙城

龍砂佳氣一堂春嗟予子

弟無才甚後顧茫茫願未伸

此行

此行風味少人知
洗卻塵容喜賦詩
滄海帆收初渡後
黃梁夢醒未甜時
故山猿鶴探芳訊
客路雲山感去思
九月花開正歸去
尋香老圃未嫌遲
濯髮扁舟且放歌
白雲去後夕陽過
季鷹身世秋風客
內翰功名春夢婆
聽鼓無衙原可去
買山有費不期多
平生親故凋零甚
未免茫茫感逝波

哭章鏡安師

梁木而今歎逝川
瓠園捐別愴前緣

光緒四年正月赴汴與師同至揚州在同鄉何氏瓠園中含淚作別

傳家

科第經三代
售世文章早廿年

先生文出入經史沈雄警闢咸同間正尚靡靡之音屢上春官竟不得售若遇近科風尚

則豐城寶氣早騰於天矣

青眼憐才稱我最
黃墟感舊哭公先
揚州今日重經過
腸斷虹

橋暮露天

客還鄉

粉榆秋老客還鄉
定有兒童就訊忙
相見親朋疑夢寐
已亡骨肉感參商
不

羈馬足懸崖勒大好鱸膾信口嘗白髮青山仍舊識較他後起問名強

贈同門何秋輦員外

小別瓠園歲月遷青衫落拓髮華顛君遊紫禁依雙闕我夢黃梁近廿

年科第泥金新葢榜因緣鴻雪舊詩箋戊寅赴汴在揚州小住唱和有詩河陽潘令歸田後

爲寄閒居賦一篇

樓頭簫鼓續文鸞聞說西江月再圓秋輦聘江西吳方伯女前有西江月待團圓句後聞絃斷再續海客

談瀛開眼界程門立雪證心傳宋郊有弟同登第杜老還鄉不計年多少滄

桑離別感待君相見話纏綿

電火流光去似馳十年小約爽歸期在揚州贈詩有十年重與證良因句鬢毛換我青山笑顏

色思君落月知入世無才慚作吏買山有興好吟詩比來塵海空如鏡爲語

揚州杜牧之

翩翩玉樹映風前儕輩如君最少年同學淵源師友重出山姓氏弟兄聯秋輦

昆仲同時以霜華梁苑催人老月色虹橋載酒便張翰蒹鱸風味好望君南
渡笑開筵

感憶亡友王雨時

此別恐無重見日先生出口我心驚

戊寅正月先生餞我於家當筵太息曰此行我兩人不再見矣時陪座親友甚

多俱歡笑如常惟先生與我不歡而散蓋先生閱歷甚深明知一入宦途不能遽返自傷老大永無再見緣也誰知梓里旋歸後竟

感人琴涕泗橫詞客離家成旅殯

先生籍隸吳江行醫至華墅歿後卽葬砂山

德門有後步前程

先生兩子俱傳舊業長子卽子姪婿

關情非第親兼友小子岐黃正學成

阻風懷遠縣遇鮑東甫同年之弟振元赴山西萬全縣任作詩附寄

塵海驚心歲月遷青衫小別又三年太行雲氣連天際梁苑霜華刮耳邊宦
轍分馳同是客風帆無定總由天吳中秋後蒹鱸美一笑歸舟讓我先

河北征塵去似馳想君顏色月明時中州從此少循吏故老猶聞感去思旅

宦無囊仍作達

東甫迴避赴晉勸累鉅萬

小倉有子合名遲

聞東甫近日生子

篷窗兒女關心甚

笑問題箋寄阿誰

竟踰上黨去停驂風月何年與共談

東甫補河南杞縣缺爲內親所累迴避山西

同學如君真叔

度故人僅我是何戡

十年前癸酉同年最盛年來只剩我與山西武養齋二人

書傳魚腹經秋滯路繞羊

腸陟險探幸遇扁舟賢季子一枝春寄自江南

鏡花水月妙空明任我披襟岸幘行春夢婆醒呼內翰茂林秋老臥長卿人
間青紫原須命世外桑麻倍有情此後行藏兩無與碧天空際白雲橫

舟行卽事

孤帆搖漾磔前津到處鴻泥印爪新
迓我雲山如勝友泥他兒女學庖人
宵深警柝猶巡岸風激橫船欲碰身
任爾天寒心自暖一艙團聚一家春

十六日自懷遠解纜風色大順喜吟一律

長淮形勢互蟠空千里征帆踞上風
雲脚遙拖洪澤遠濤頭直接大江東
秋深蘆管飛霜白天遠滄波浴日紅
幸我回頭先得岸不然仍在浪淘中

滄海歸帆曲

并序

江南作賦庾蘭成晚歲思鄉洛下吟秋張季鷹終朝命駕羈梁園之
詞客但寫牢愁訊潘令之年光已生華髮買山費少笑琴裝亦算官
囊成佛緣慳辛苦海終登覺岸僕也久違桑梓苦憶緇鱸昔日堤邊
楊柳綰別離之線舊家江上芙蓉增保障之陰彭澤遷官但求五斗
文園作令曾有幾年哀樂無端絲竹乏陶情之具光陰如許雪泥留
印爪之痕於是重維舊事撫念前程杜少陵南浦清江聲聲入破白
司馬荻花楓葉字字銷魂當作傳奇極離合悲歡之致羗無故實寫
纏緜悱惻之思自戊寅浪迹以來至乙未還轅而止追爲此什聊以
記言倘逢下第廬生卽此算一場春夢爲報種桃道士再休提前度

劉郎

東風吹上夷門道思歸愁聽子規叫十八年來鬢已蒼今朝始返江東棹憶

昔行程在戊年伏雌烹後突無煙泉明空自荒三徑劉寵何人贈一錢此時

輾轉真無計登門復遇催租吏五更醒後一聲鐘聲聲撞起心頭事扁舟訪

戴剡溪邊敗興空回鸞祭田泣告几筵伸別恨並將清白誓重泉多情吳季

關心事

指舊友
吳文蘭

黃昏送我來舟次蓉城一夕至毘陵前行阻雨京江渡三日

開帆附順鴻金山第一試詩筒

泊金山忽忽一
遊紀之以詩

渡江逕步揚州月入室親披

水部風

時章敬安師赴揚州何
氏館同行小住兩日

行行遙指清淮柳客裝琴鶴皆無有傾蓋相

逢楊震車一鞭遙附風塵後

遇太倉楊亦韓太史改官
湯陰縣赴任約與同行

嗷嗷鴻雁遇流亡山

陝河南徧地荒日下士龍才入洛成都司馬正遊梁征衫乍脫朝衫重出身

道是前鄉貢脚鞢手版去應官也算黃梁初入夢司空村野參軍蠻結習書

癡未盡刪公事艱劬私事窘但將詩句破愁顏梁園詞客多英妙翩翩問字

皆年少半入公堂半講堂平安始作家書報

九月中得遊梁書院
監院差從學漸多

纏綿兒女

奈愁何桃葉江頭放棹過渺渺煙波迴去少團團骨肉後來多楊家有女似

楊花十七飄零到我家笑索紫雲成短夢重迎玉樹茁新芽光陰冉冉臻強

仕驅車上蔡東門止瓜待三秋成有期花封百里慚為主乙酉夏季代理上蔡逾年去

署古甯陵缺小途衝力不勝入幕郗生爭別去巡河漢使正親臨艱難欲誦

仁王咒經秋王粲身逾瘦又向夷門聽鼓回一官落拓居人後種菜閒身髀

肉生寂寥誰復訊前程寧陵交卸兩年餘無差事朱家俠客輸肝膽同鄉朱曼伯觀

察委入河防善後局得保加銜宣室賢臣記姓名山東賈湛田方伯委辦候審公所差青天更有西江月一輪

照我光華潔奉新許仙屏河帥以文字受知風雅憐才本性生文章知己感

恩切退食委蛇詠在公四年需次最從容北門賢者憂心解東道主人禮數

隆滿洲裕澤生嘉定廖穀似雨中丞俱陳留古郡蓼蓼鼓兩驂又向風前舞

愛戴慚居父母名循良愧對龔黃譜十九年三月署陳留印一官來去要分明來路須

留去路行刑不妨寬無縱惡過能知改定原情獄關生死母輕聽判到疑難

以理定早傳早結免株連私錢萬貫爲民剩紳士某來送別曰公在此兩年爲鄉民剩錢兩萬貫予詢其故

則以遇案早結故也江南兒女正催妝佳婦迎來新嫁娘在任遣兒子回家小阮一帆

江上渡載將弱息並升堂阿姪蔭辰亦領姪媳來署民情靜謐官閒暇午陰纔轉公堂罷

早起催科暮詠詩好官幸我無人罵兩載泥鴻印雪消官民話別黯魂銷嘗

餘宦味思鄉味從此黃梁醒一朝乙未春季交卸回省九月掣眷旋里秋風嫋嫋波心起季鷹

舊住吳中里功名富貴又何年爲食蘊鱸歸去矣嗟我浮沈近廿年廿年感

喟託琴絃封侯有印黃金冷近年非捐花樣不能補缺搔首無情白髮牽堦簾吹斷無人

替申申復絕女嬃詈兩兄先後逝世胞姊於去秋又歿蔡邕有女當兒看伯道無男將姪繼

棠梨花繞白楊枝宿草離離盡故知多少生存零落感西洲門外淚如絲勞

勞塵海同遊戲惟餘兩事心頭記師友春風結識情公卿青眼裁成意客裏

光陰夢裏緣春宵回首半茫然吟成滄海歸帆曲抵作遊梁賦並傳

雜詠

解組還鄉不待時比來蹤迹似袁絲灌園有意尋遺址生子何年喚阿遲旅

店黃梁懷舊夢青燈紅袖伴新詩小倉福命難希冀爲少名山作主持
青溪小妹豔於花嫁與潘郎兩鬢華伴我溫柔同入夢泥他勤儉學持家嬌
癡未免矜顏色潔白猶教沁齒牙得自老夫无不利旁人相見定猜爺
小築詩寮三兩間近陪紅粉遠青山園中佳日開觴詠世外浮雲任往還未
必美人皆薄命竟教秋士破愁顏文場屈抑名場殢吟盡牢騷一筆刪

寄懷章紹庭孝廉

直從刻苦得科名有志英雄事竟成喜誦文章如舊識驚聞師友遽長行

敬安

師與甫弟
先後逝世

遨遊湖海傳衣鉢蘊釀詩書見性情知否河汾門下士揚州經

過哭先生

泊舟瓜洲口寄懷河南藩幕婁壽之敬之兩君

相交以澹兩忘情談笑能教俗慮清孝友門庭迎善氣綢繆縞紵送行旌勞
形案牘矜疑獄平揖公卿負重名知否鱸千里棹秋風江上憶先生

遊梁司馬倦遊時未免鄒枚怨別離去去無言雙袖濕行行有約兩心知一篇調古昌黎序千尺情深李白詩此後隴頭逢驛使梅花寄到未嫌遲

蘼蕪渺渺有餘思回憶梁園詠雪時暢論胸襟空芥蒂生成仙佛總慈悲

壽之

篤信因果
博施不倦

文章於我真青眼

最愛予詩文
作必抄閱

兄弟如君盡白眉努力加餐兩相

望留將後會證心期

嗟予廿載鬢如絲鴻爪天涯感去思仍擁詩書猶算福不工迎合總嫌癡
騰春夢醒何早老大秋娘嫁太遲此去兒童將近我平安先報故人知

追輓徐挹泉侍御師

直是文人命太窮若論因果報宜隆生前親友銜恩徧死後公卿太息同
別妻孥成永訣亂投醫藥到臨終可憐小子遊梁日尙在春風煦拂中

追輓孫叔文姑丈

直將骨肉視姻親感激恩知淚點新十載忘形無少長一官送我出風塵補

瘡竟割心頭肉從井能援水底人此去西州門外路斜陽衰草泣殘春

金山寺題壁

江天一覽慰相思十八年來髻似絲料得山靈猶識我今朝絕頂又題詩

感憶外舅陸靜甫夫子

惆悵儀容思不窮記從甥館坐春風梅花松菊三知己劍佩琴樽一寓公却

火灰飛家業盡

庚申之變丈房屋被燬家產俱盡

玉壺冰冷眼光空蓋棺論定知誰似詩酒

風流陸放翁

羈懷老去悵離羣兩鬢繁霜有淚薰一世但逢人白眼十年空望我青雲感

懷舊澤搜吟稿朗誦新詩當祭文太息王孫猶寄食長安薪米要平分

紅牙詞曲拍宮商秦柳而還最擅長

丈精於長短句有浣花瓢落兩集爲到同里繆笑山太史梓入常州詞集中

處鶯花爲性命一生風月當文章叢叢著述人千古草草生涯夢一場知否

遊梁門下士西風古道泣斜陽